



15. juli 2014

Inatsisartut Suleriaasianni § 37 naapertorlugu Naalackersuisunut apeqqutit makku matumuuna saqqummiuppakka:

**Naalackersuisunut apeqqutit akit nikerarnerannut qularnaveeqqusiisarneq pillugu:**

**1. Attartortumiit piginnittumut pisinerit qassit akilersuiffissap sinnerani akit nikerarnissaannut qularnaaveeqqusiiffigineqarnikuuppat?**

**2. Taakkunanga akit nikerarnerannut qularnaveeqqusiiffigineqarsimasut qassit nalikilliliiffigineqarnikuuppat 50 % ataannut?**

**3. Illup iluanaarutissartaata nalinganut ullumikkut kreditforeningimut taarsigassarsiniartoqarsinnaangilaq illu attartortumiit piginnittumut aaqqissuussineq atorlugu pisiaasimappat illulu pillugu akit nikerarnerannut qularnaaveeqqusiisoqarsimappat. Kreditforeningip taarsigassarsititseqqikkumasanginneranut pissutaavoq akiligassaqarpat, akiligassap annertussusaa apeqqutaatinnagu.**

**Naalackersuisut sulissutigiumanerlugu akit nikerarnerannut qularnaveeqqusiisarnerup kingumoortunngortissinnaanissaa eqqarsaatigalugit illup iluanaarutissartaata neqitsiullugu taarsigassarsiniartartut, taarsigassarsiat atorneqarniarpat illup aserfallattaalinissaanut imaluunniit pitsanngorsarnissaanut?**

(Inatsisartunut ilaasortaq Michael Rosing, Demokraatit)

### **Tunngavilersuut**

Attartortumiit piginnittumut aaqqissuussineq pillugu peqqussut naapertorlugu illu pisiarinqarsinnaavoq akit nikerarnerannut qularnaveeqqutitalerlugu. Akit nikerarnerannut qularnaveeqqusiissut ukiumut 10 % -nik appartinneqartarpoq ukiut qulit ingerlanerani. Kisiannili, illuutillip kissaatigippagu, illup iluanaarutissartaata neqitsiullugu kreditforeningimit taarsigassarsiniarluni, tamanna pisinnaangilaq, akit nikerarnerannut qularnaveeqqut sallinngortinneqartussaammat allanik illumut taarsigassarsisoqassappat.

Tassa imaappoq, illup aserfallattaalinissaanut nutarternissaanullu taarsigassarsiniarnissaq ajornassaaq aamma akit nikerarnerannut qularnaveeqqusiissut affanngorsimagaluarpalluunniit.

Attartortumiit piginnittumut peqqussummi pingaartinneqarpoq inuunnaat illuminnik pisisinnaanissaat kingornalu aserfallattaaliinissaaq pisussaaffigilerlugu. Ikittuinnaallu aserfallattaaliinissamut aningaasaateqartarmata taarsigassarsiniartariaqartarput illutik aserfallattaaliniarlugit. Taamaattumik ilaannikkut ukiut qulit ingerlaqqaartariaqartarput taarsigassarsisoqarnissaanut taamaalineranilu illut pisoqalisimasarput nungullarlutillu.



DEMOKRAATIT  
DEMOKRATERNE

Akit nikerarnerannut qularnaveeqqutip kingullinngortinneratigut, aatsaalli aserfallattaaliinermut taarsigassarsiat atorneqassappata, taava landskarsi taarsigassarsianut qularnaveeqqusiisalersinnaassagaluarpoq, tassa taarsigassarsianut akilerneqarnaviannngitsunut. Isumaqarpunga taamaaliornikkut illorpaalussuit aserfallattaalineqarsinnaasut akikinnerusumik peqataanillu illoqarfimmi sullivinnut suliasaqartitsillutik.

Apeqqutit akeqquneqarput ullut suliffiit naliginnaat qulit iluanni.